

四庫全書

集部

欽定四庫全書

集部

學餘堂詩集卷

二十八至
三十一

詳校官檢討_臣劉錫五

助教_臣常循覆勘

總校官庶吉士_臣何思鈞

校對官檢討_臣蕭九成

謄錄監生_臣張映奎

欽定四庫全書

學餘堂詩集卷二十八

翰林院侍讀施閏章撰

五言律

就亭漫興

孤城江楚接小築薜蘿間就地寬人力憑高破旅顏一
洲橫橘柚四坐入雲山時見簷前鳥悠悠天際還

二

浮生安逆旅傳舍亦吾廬
帆影寒雲外鐘聲夜月初定
巢容海燕作膾就江魚樗散行藏足寧知與世疎

三

芙蓉通北牖桐葉覆前楹
坐引江湖興閒知草木情野
鷗窺畫檻賓客厭荒城多事詩篇在煩人識姓名

四

吏隱無長策棲遲復此亭
地留三徑僻天與數峯青聞
道齊憂樂全生半醉醒仙人在何許閭岫日冥冥

百華寺

練中丞有詩對
面即百丈山

寺倚讀書臺荒庭雲不開山寒稀桂柏佛古徧莓苔晚
照孤帆下遙峰百丈來中丞題字後長聽野猿哀

送山陰張荀仲先輩東歸

夾岼丹楓路寒江獨送君官貧尚少伴老去更離羣
嫁鄉心急湖山旅雁聞那堪遲暮眼回首嶺南雲

時令
子桐

君在
粵

和許郡丞堯文勸輸白沙村

荒城鬱愁思轉羨谷中行冬霽疑春日官閒似客程
褰帷青嶂得倚杖白雲生莫怪征輸苦蕪田久不耕

長至夜大可子威懷仲發若小集虛白齋

令節良朋集高談永夜清華燈明客館霜月滿江城
欸尊前事茫茫身後名葭灰何處動遠寺一鐘聲

諸子夜集署齋

羣彥真高會留歡又別筵歌聲燈下緩詩態酒中偏
烟月輕寒夜江山欲暮年相憐同舍客且繫木蘭船

留汪發若同年夜宿官閣

離索成吾老殷勤盡此觴
明朝又分手今夜各思鄉
官閣寒梅發江帆別路長
幾時重剪燭爛醉復連牀

釣魚臺

青原

莫問垂綸客空臺倚翠屏
路穿危徑穩潭受衆山青
盤石偏留樹懸巖好置亭
夕陽看不厭泉響正清泠

就亭即席送康侯還武林

繫纜一尊酒孤亭接遠山
苦吟詩獨穩久客意長閒
出

每留僧寺歸應閉竹關春風湖上綠新柳不同攀

入春

入春雷早發驟雨漲平沙地冷魚依藻庭空鶴啄花遠
聞殘笛罷顏倚接羅斜不分清江水偏涵短髻華

胡萬咸留滯石谿寺

三載難歸客鄉書到幾封石城春入夢江寺雨聞鐘沙
碧添新草雲深失遠峰猶餘鵲鵲淚遺恨楚山重

時將入楚

弟旅歸其亡
櫬

連夢家叔父

累夕東歸夢悲歡不自持
髮知滿眼白書恐到家遲
耐病長拋藥逢閒誰共碁
鄉園安穩未吟望首低垂

宋柴雪少叅入賀

詞臣今岳牧行役復京華
夜雨江邊柳春潮天際槎
官移長戀闕帆轉暫還家
芳草王程徧應忘驛路賒

連雨

日日西山暗春光竟若何
人從不寐老花落未開多
野

寺沈清磬江亭付白波苦吟餘數子躑躅幾回過

乍晴

水榭軟無恙簷禽暖一鳴把書除眼暗開幔覺身輕沙
嶼烟中出江流樹杪平敬亭梅好發望遠若為情

計伯孔植慎清攜酒集伯璣湖上草堂

共有幽人興相過處士家湖平三徑草雨暗一春花汀
鳥翻書屋山雲赴釣槎未成歸隱計得醉即生涯

二

雨坐得淹留春燈散旅愁醉歌驅白髮咫尺到滄洲好
製烟中艇誰添湖上樓尚思徐孺子踪跡此曾遊

草堂後即

孺子亭
舊址

春日官亭漫興

獨鳥下高柯微風動碧波竹陰春晝厚山色夕陽多身
嬾從書積花開得客過陶然一樽酒川上起漁歌

侍家叔父同諸公集來鳳亭

移棹忽聞鶯芳洲此日晴樹陰連野濶山翠入江明倚

醉親魚鳥行歌答友生不知春草色何與故園情

宿雲亭

山勢隨江曲亭孤傍嶺開片雲閒不住雙燕去頻迴野
渡歸樵便村烟出樹來莫愁春欲暮留興一銜杯

吳六益虔州書至

旅食虔州久高歌羨爾閒聽鶯時倚樹閉戶日看山老
去從雙髻詩傳到百蠻主人能好客披豁共開顏

夜坐就亭即事

暮帆烟際歇歸鳥日邊迴臺迴收山郭江清送酒杯月
梧翻檻白風竹過牆來得句呼兒和婆婆懷抱開

送同年顧銘伯子來玉

若翁真意氣見子獨酸辛旅食吳縣換行歌楚水春扁
舟長載酒一繫宵因人更傍虔江去愁連瘴海濱

江樓宴周處州侯金吾

遠浦入層樓清尊坐上頭忽飛千嶂雨早變一江秋晝
省餘吾黨青門老故侯平生逸興在未忍負沙鷗

月夜送方位伯歸皖

古寺頻年住歸帆趁月行寒光山共白孤影水俱明湖
口秋潮急江頭戍鼓鳴懸知浣浦夢時到石陽城

送李維饒孝廉赴禮闈

茁茁對離筵飛騰正少年鄉心依白髮帆影入青天江
海生秋早燕吳共月圓君家有舊物行矣賦甘泉

秋夜懷金牛泉上亭

此夜江亭月何人倚檻看露將松影白泉與磬聲寒枕

石閒堪臥抱琴幽可彈永懷清境遠惆悵正更闌

懷黃坤吉客廬陵

見說相思切心知作客難山雲連海嶠木葉下江灘
旅病逢秋減歸期逼歲殘螺湖好明月留眼醉同看

中洲精舍王臨江攜酒

孤洲山郭外隔水自僧家霜柏初紅葉秋茶正著花
江空清鼓吹野濶就雲沙興極回舟處前林已暮鴉

送翁克凡同年兼懷劉覺岸

留客知無計，傷離苦太頻。
朔風雙短髻，寒雨獨歸人。
吳甸鄉關晚，燕山旅食春。
如逢劉子驥，為報欲垂綸。

懷劉孔植

時節推南安

東魯推才彥，天南久滯淫。
郡荒愁不減，官冷病相尋。
粵嶺烽烟逼，蠻鄉瘴癘深。
應知歸思切，風好在園林。

懷朱遂初都諫入秦

朱嘗備兵固原

垂老幽棲客，浩然闕塞遊。
出門鴻雁到，中路雪霜愁。
邊驛依荒戍，番民識故侯。
丈人筋力健，應躡華峰頭。

石蓮洞

舊為虎穴羅念菴闢而居之虎遂絕跡洞外置書院別館今並廢

傳聞羅學士手闢此山阿驅虎自安坐避人時獨歌陰
巖斜日到曲洞碧雲多庭館何無沒高松遍女蘿

與伯調夜酌時江干駐兵

一別成斑鬢三年復此觴官愁憑客遣身老怪兒長城
上烏啼月洲前雁帶霜天涯更兵甲誰是不思鄉

金牛寺和商賢

古寺江烟裏清泉背郭幽亭空木葉下風緩浦雲留遠

色移漁艇寒光滿佛樓東流元不住何事起人愁

歲晚送熊漁濱

歸路復停舟山城共倚樓暮雲依樹宿殘雪照江流歲
月寒催別琴樽客緩愁高堂應望切明日到南州

讀楚村集追悼丘海石

時索
手序

故人遺詠在雅志託巖阿彭澤辭官早靈均憤世多悲
風生海岱往事感江河玄晏吾終忝高懷奈若何

答商賢廬陵僧舍見寄

高館雲皆散荒城客未歸
醉吟尋野店鷗鳥伴僧扉
嶺霧寒天暗江梅臘月飛
相思多苦調轉恐寄書稀

海慧寺招悅之

逸興在郊垌尋僧倚翠屏
還傳慧遠社偏近子雲亭
野菜為園古巖松抱閣青
肯來同步屨一笑俯江汀

宿大洲僧舍

萬氏對岸即生米潭
是許真君煉丹處

長風催落日暝色就孤村
農父寒移榻兒童喜噪門
野葵香客饌潭水汲仙源
歸夢無遷次他鄉已故園

吉州懷田未若客舍

別君纔幾日細雨落江梅客夢秦關遠春光粵嶺來寺
幽勤把卷山好對銜杯莫漫看芳草歸心萬里催

寄余季蘆先生莆陽

鷺渚殘秋別烽烟又幾年寄書愁道路行樂懶詩篇海
日春潮暗山城暮雨懸白頭無恙在得醉且高眠

贈商賢

京洛歸何日狂歌興不違家傳徇國劍身老釣魚磯作

客燒黃獨尋僧臥翠微
風流滿江漢祇覺似君稀

南州別宋柴雪後重寄

不覺頭俱白相看說故園
披帷書傍枕解纜雨攜樽
官許羣鷗狎詩邀處士論
誰知今夜客回首望章門

寄楊和州仲延

地為張籍故里

使君五馬貴勝蹟八公山
堆乳行春遠花深臥閣閒
田家兼釣弋邑里控江關
部下尋張籍誰當共往還

來鳳亭晚集分韻

綠浦繁蘭橈紅亭覆柳條
花飛江郭滿峰對閭山遙宿
鷺歸寒渚餘霞散赤霄迴舟月皎皎何處夜吹簫

送麻天為歸里

才健能高臥家貧始欲愁
素心千里見多難一身留風
雨添人老江山慰客遊
戰船今滿眼何處泊孤舟

贈陳元水歸豐城

陳本
吳人

到日看花發歸帆帶雨行
老為江楚客夢懶闔閭城多
難殘編在長歌白髮生
誰能知劍氣空傍斗間明

二

久客真無事多才自不閒
醉頻書白練老未買青山
積水荒城動高林獨鳥還
相思江路近且莫掩柴關

懷王枚臣嶺南

入夏融風熱炎州還獨遊
山回蠻洞合江黑瘴雲流
客舍嘗丹荔高堂憶白頭
越王臺自好多恐滿蘭舟

寄送王願五同年

王解官坐累留
南州歲餘始歸

循吏今時拙家貧未敢言
羈棲淹歲月歸臥好田園
竹

色背城綠泉流遶屋喧白頭問叢桂倘遂許攀援

周計伯自贛州司理遷大同郡丞過別

路向雲中去維舟問草亭一樽江共白百折髻還青策
馬臨關遠吹笳傍塞聽此心如贛水滾滾送揚舲

懷程周量舍人

語默今誰向文章昔共論江亭秋把臂河館雪銜尊過
眼高雲散離心芳草繁歲星人不識長隱傍金門

李圯瞻之官嶺南

尊殘歡未盡路遠別尤難六月浮孤艇全家就百蠻守
官諳習苦執法好求寬過嶺有新句南風憑寄看

送犀公入西林

地近天池
佛手巖

龍沙飛錫杖遠過匡山陞江路月明夜湖帆風正時問
巖攀佛手洗鉢近天池會叩禪扉去浮雲未可期

去官暫歸酬熊少宰

盛世官常省歸休適稱愚

主恩閒日月吾道合江湖落木看山近扁舟帶雪孤餘

年應著論倘許繼潛夫

留別黎左巖學使

公有嵩岳記遊

歸興滄波外唯君繫別情
文章成棄物身世得無生
杖躡嵩丘遠家臨江水清
蓼洲秋月夜長憶此同行

熊少宰邀集螺墩

冒雨登湖艇移尊集水亭
潦收孤嶼迴雲斷半山青
畏路元多病清時敢獨醒
君看葭菼外歸雁去冥冥

香城宿慧公房

幽尋逾疊嶽禪室在中峰地與諸天近雲連萬壑重閒
心論白業清夢接疎鐘惆悵支公遠彌懷塵外蹤

南昌答吉州司理陸靜涵送別

時同被裁以
兵阻未發

搖落楚天客羈棲鼓角驚暮雲長獨往滄海共君行水
濶孤帆影秋歸萬葉聲寸心螺渚月終古照人明

泊樵舍

漲減水逾急秋陰未夕昏亂山成野戍黃葉自江村帶
雨疎星見回風絕岸喧經過多戰艦茅屋幾家存

重過望湖亭

古亭復丹雘荒阜舊嵯峨
彭蠡烟中小廬峰雲外多天
晴喧雁鶩秋漲走黿鼉
忽覺歸心切茫茫厭白波

石鐘山

山以水石相激成聲今寶鐘寺前懸崖橫出即坡記
所謂中流大石微風鼓浪者也循此至東北崖盡處
俯聽之皆嘈呿盈耳時人猶擊石控控也

崔嵬崖際寺巨石與波分峽坼千帆落山鳴萬古聞江

城含宿雨廬阜共寒雲臨眺懷蘓子風流孰似君

泊彭澤縣登落星亭同阮懷作

舊名七星臺孤亭面江俯視小孤山如鳬逐風翻僧
埜雲言昔有星落于此余名之曰落星亭

江縣山亭小仙壇倚石扉寒星崖際落孤嶼浪中飛蘆
渚起寒曉楓林明翠微柴桑迷舊蹟閒看浦雲歸

寄題龔野遺半畝園

小築江城地幽棲物外心竹梧經手種蘿薜閉門深雲

氣涼依水鶴聲清滿林惟應嵇阮輩來往得相尋

周侍郎枉過寺寓攜酒饌

旅次僧廬靜高軒肯數過玉壺攜酒綠江月近樓多詞
客感凋謝勞生託嘯歌真成文字飲不醉欲如何

夜泊黃池

晚晴殘雪後遠岸夕陽邊葉盡楓難辨漁歸網自懸客
舟寒趁月茅屋夜含烟試覓幽人語燈明恰未眠

臘八日青谿玉山兩精舍見約不赴

數有招提約真詣避俗心野橋沙際滑山塢雪中深香
饌空煨芋寒鴉出少林高樓頻極目何處白雲岑

哭杜心上人

七年纔會面永別痛如何臨逝留書訣平生作偈多石
函經寂寞佛間志蹉跎雙屐看山近從今已倦過

懷劉千里歸楚

垂老來何遠殘冬悵別筵雨中春穀路雪後漢江船吾
道貧非病世情愁可憐空山歸臥得消息好誰傳

過高淳縣有懷邢景之子漢

縣小無城郭民繁俗自淳夕陽魚滿市茅店酒留人宿
鶯橫烟去垂楊逐岸春惟憐素交在相憶隔湖濱

早春水陽尋唐耕塢舍人

作客每經歲君從何處歸不禁老眼暗重惜故交稀日
月消書卷門庭俯釣磯牀頭有斗酒留與待芳菲

雨泛東溪就吳自明飲

門前新草色遠接碧溪隈短棹撥烟去輕鷗逐浦回梅

花村外笛竹葉雨中杯舊識春風好殷勤拂面來

贈吳園次湖州

官就滄州好名高畫省間多才賓從盛劇郡嘯歌閒夜
訪茗溪月春茶顧渚山相過思汎宅醉臥不知還

諸公各攜尊簋踏春

淺綠明新霽野橋通亂泉攜樽成彥會就草自芳筵竹
逕僧廬得春風水郭偏老梅存舊圃花亞短籬邊

過湖北山家

路迴臨石岬樹老出牆根野水合諸澗桃花成一村呼
難過籬柵行酒命兒孫去矣吾將隱前峰恰對門

雨後

歸田復多病寒雨送三春高柳不藏閣流鶯解就人道
心看物變時論薄官貧無限扁舟意澄江滿綠蘋

方艱晚過小園因憶阮懷耦長客旌陽

獨嘯憑溪閣幽人過草堂入林心共遠作賦髻全蒼雨
散留餘照春歸歇衆芳比鄰懷二妙南望暮雲長

簡枚臣明鏡菴

已為紆組客仍作入林遊
雨色江城暮灘聲野寺秋
看山時岸幘掩卷坐臨流
倘憶談經處依稀白鷺洲

雨水居士詩為張十二作

張大父有尚書祠

屏跡懷烟水澄江獨對時
山鄰謝公宅雲護尚書祠
懶釣觀魚樂行歌采藥遲
不愁無長物樽酒數相期

茗溪秋泛

旅泊烟波裏扁舟日看山
岸過走馬埒潭間釣魚灣
孤

米供飢爨荷風醒醉顏回思簪冕客今古幾人閒

吳興值四明孫介夫

廣陵一醉別重泛五湖間到處識狂客相看非舊顏
蘋洲秋雨急雪竇草堂閒共說吟將老行當臥碧山

二

論文誰不重祇覺知音稀遣病日尋藥留賓時典衣
世情湖水濶生事釣船微楓色催寒近羈棲尚未歸

同園次道場山晚集歸雲菴用韻

盡日看山徧招提戀夕遊蒼巖陰帶雨碧樹老禁秋池
憶仙人酌亭因處士留回舟仍載酒吟向白蘋洲

資福寺用壁間韻

地皆竹林有
泉出厨下

共是疎簷裏香泉別衆山石樓寒佛寺茶竈接溪灣片
雨前峰過高松獨鶴還閒來坐明月橋畔聽潺湲

陸高仲羅弘載過宿寓樓

正爾相思日君回入剡舟看雲孤閣暮聽雨萬峰秋湖
市平青靄僧房到白鷗老來貪故舊幾歲不同遊

酬汪聞遠

好客汪倫後風流復此人獨尋丹壑遠交與白頭親揮
翰才偏健藏書家未貧飛揚看爾輩不必戀松筠

湖上答柴虎臣

別憶傳書遠來將短髻看暮年生子得古道向人難雨
隔山城暗湖連客舍寒相逢遽分手又過子陵灘

湖樓對雨

住為中秋月連朝聽雨聲寒侵高枕濕白擁亂峰平遠

寺幾時到斷橋誰獨行南屏桂花發搖落正關情

錢塘觀潮

海色雨中開濤飛江上臺聲驅千騎疾氣捲萬山來絕
岸愁傾覆輕舟故溯洄鷗夷有遺恨終古使人哀

陸蓋思見過湖干

湖漲無三徑故人相見稀君尋白嶽去却下嚴灘歸倚
檻臨秋水銜觴遲落暉重來定何日豫約款郊扉

泊富陽

金八下八十一
卷二十八
赴潮舟早發空翠濕單衫浦暗繁烏柏風輕飽布帆縣
門流水對城堞半山銜路近嚴陵瀨重雲隱暮巖

過子陵釣臺

千迴青嶂裏臺迴出松陰片石此天地荒祠自古今瀨
寒沙鷺遠山暝窟龍吟欲問垂綸意桐江秋水深

富春江

樹色蒼還綠波光曲更青一江漁艇絕何處客星明飛
瀑林中雨斜陽山半晴不知人住處遙見暮烟生

沂江灘

長江知不住聲急更爭流故醒歸人夢偏遲去客舟騰
波逾鳥疾喧峽共猿愁磯上持竿叟忘情已白頭

將至江山縣書所見

灘舟南去晚轉賴北風吹雙塢夾崖口丹霞照嶺時溪
藤翻翡翠漁艇喚鷗鷁山色初晴好行將近武夸

過江山留贈萬介公明府

有美絃歌彥舟車倦送迎風烟連百粵驛使滿孤城山

對江郎秀泉看須女清民勞誰共惜重繫旅人情

毛氏桂林作

靈境西山曲青冥別岫通陰林迷鳥路錦石亂花叢
翠孤雲外風香萬谷中好將亭館置幽興復誰同

仙壇

在江山縣
青湖鎮

近嶺仙壇古盤空石路青山頭仍畫閣樹裏幾茅亭幽
壑藏蛟穴高松見鶴翎雲峰頻極目何處問丹經

宿潯州

在建寧界

灘險泊難定繫舟尋岸藤水祠殘壁在戍壘暮烟增月
白江村渡松然野店燈已歌何處得聲徹碧雲層

天游峰一覽臺同阮懷得寒字

武夸
山中

誰知青嶂窟轉入白雲端落日嵐烟動穿天石骨寒溪
流隨面曲峰簇就人看鐵笛聲何在中宵獨倚闌

水簾洞

在丹霞
嶂之右

路劈傾崖裏人從複壁行陰霞千嶂列細雨一簾成風
迴懸難定崑虛靜有聲憑誰閒採藥堯韭礪邊生

入小桃源聞藥公將築精廬于此

地曲山留塢天驅石作門何人營竹屋禪客愛仙源入
谷林泉曠披雲花藥繁隱屏吾擬住晨夕好相存

雲窩贈李懷之

李以茶洞為業
洞中有清隱岩

得盡看雲興誰言處士貧石門青靄入書舍紫陽鄰歲
稔憑茶洞溪晴試釣緇未知清隱地更許住何人

鼓山涵泉寺

幽磴盤空曲飛泉涌化城海風巖際落江雨洞中生說

法龍來聽聞鐘石自鳴不辭筇杖遠絕頂更孤行

至莆中謁余吏部廣之先生

壺嶺飛雲外山城壓海邊
我來楓葉候恨失荔枝天
浦絕又魚艇人荒種蛤田
間關逢舊好欸欸不成眠

夜投福清五里橋

瘴鄉山下店虎穴路傍身
半榻支橫木孤燈絕四鄰
土瓜充夜饌藤架補廚薪
怪底天風急偏吹不寐人

三山哭翟象陸副使

新懽悲永別相信各平生宦蹟存忠厚天心厭老成遺
文身後事留客病中情淚灑三山滿君聽巷哭聲

二

君有桐園別業

幾歲還家夢終成瘴海身桐園誰杖屨涑水遂荆榛世
業傳經好官錢垂橐貧高堂應慟絕八十白頭人

憶賡之先生蒲田

荒城三日雨遠別各衰顏吹角殘村戍連雲瘴海山病
堪無藥物老復夢江關誰見離人恨孤帆落葉間

途中懷劉潤伯都使

他鄉會聚難一月病相看意氣逢人盡風霜念我寒世
愁滄海變交重白頭懼莫漫憑醫藥加餐好自寬

野宿距浦城三十里

歸心厭客程殘照促舟行灘暝露將白山迴月乍明燒
榛防虎穴聽水失雞聲世路難安枕非關羈旅情

仙霞嶺霧雨

重霧成微雨浮雲暗遠峯路危迷一線巖滑轉千重荒

戍寒無火層冰白在松欲尋僧舍宿何處有疎鐘

學餘堂詩集卷二十八

欽定四庫全書

學餘堂詩集卷二十九

翰林院侍讀施閏章撰

五言律

閩南客舍

海畔正搖落烽烟還是非
客愁隨月滿鄉夢逐雲歸
近市諳蠻語憑人授客衣
昨來經雨數蟲響逼宵扉

閩還至青湖

過嶺見山雪始知天更寒客多爭竹艇歸急便江灘亂
壓書籤折頻開藥裹殘蘭溪問美酒一酌倘加餐

晚發蘭溪

萬戶江城上沙烟曙色分數峰明霽雪一棹下寒雲鴻
鵠朝何往鵲鵲日幾羣舊傳三洞好仙路恨空聞

贈項嶠雪

駕湖遊造次相識遽難忘官興陶彭澤家園顧辟疆尊
疊從野飲步屨到僧房愁見分襟處孤舟正雪霜

蔣大鴻重至宛陵即送其還山陰

大雅如君少風流衆所歸相看雙髻改誰解寸心違吳
越皆鄉土行藏共釣磯扁舟須就汝同調未應稀

雪中種竹和鄭次公水部

纔見梅花放重移竹數竿比鄰分種近凍土著根難影
入空庭白清添滿坐寒醉來披鶴氅仔細向君看

嘉卿至自清江

夜雨清江漲江門得故人開顏客病減對酒柳條春道

合艱虞日天留肥遯身何年同採藥不謁市頭塵

中洲寺

盱江

異香浴水發清影到門深何代黃楊樹孤洲翠竹林烟
雲偏法界鷗鷺共禪心落日滄江客悠然倚杖吟

送龍臚先宰遵化

才譽南金重分符古北平嚴城切畿輔茂宰易聲名土
沃屯兵在官勞策馬行溫泉清可愛正好濯塵纓

半山菴

杪秋復新霽草木賸春芳竹裏改僧徑松間添客房園
蔬一畝足筐果四時藏纔是重陽後東籬菊未黃

遙和王阮亭客部同爾止宿牛首一鐙樓見懷

建業六朝寺春卿足勝遊幽人同永夕清嘯復高樓月
與松林白江涵天闕秋遙知相憶處應聽斷猿愁

答王客部寄題就亭

兩年去官舍常憶小亭幽復枉故人贈含情感昔遊半
庭陰古柏一步接滄洲不及同登望誰憐楓樹秋

同諸公集玉山寺和陳遽人

薄遊期屢悞不易是尋山詞賦看時輩林峰慰老顏息
機遲媿拙散病早知閒向夕高雲合留人未遣還

二

幾年耆舊濶幽事得僧同對客把詩卷看雲穿竹叢亂
峰歸鳥外紅樹碧波中吾自陶潛輩千秋憶遠公

過顧與治舊居今為鄭汝器宅

故人棲隱處不到十年餘問宅更三主寒梅覆一廬亭

留醒酒石壁賸換鸞書稍喜辟疆地猶為鄭谷居

偶書筆工扇

諸葛鼠鬚筆宣州風擅名到今存舊法許爾得孤行傳
可專毛穎功優佐墨卿中書吾老懶慚負故人情

夜過阮懷

永夜攤書帙燈明敞竹關共看溪上月正照城頭山貫
酒比鄰得移家何處閒論詩成底事相接一開顏

雪夜

積雪荒城暮，堅冰欲上鬚。
風銍疎影亂，寒雁一聲無。
遣事難辭老，安身得守愚。
扁舟藏凍浦，何處問江湖。

半公遊黃山

真僧愛名嶽，春入早支筇。
獨去尋深寺，幽居定幾峰。
雲來見滄海，雪淨聞清鐘。
猶恐層冰在，巉巖細路封。

李遷于以病還歙

冬春同病久，忍淚送君歸。
藥裏行隨路，山村舊掩扉。
寬心遲白髮，減事發清機。
會有加餐日，毋令音信稀。

伯璣豫章書至兼示湖隱近詩

江路頻通訊逾年得報書
傍城成臥隱出戶即樵漁
病裏詩能健貧來友不疎
老夫慚老嬾差可賦郊居

寄周伯衡南州

三年猶旅食何日作歸人
送老誰供酒看花好及春
湖山寬客病林壑笑官貧
此去如相問蕪江是近鄰

柏子菴

門陰鳴脚樹路接蟹山岑
清磬晝長寂片雲晴自深
烹

茶邀過客遺飯飼飢禽見說南郊叟時來倚杖吟

山門

石扇開橫軸春陰過杳冥地寒雲樹古峰挾寺門青移
杖分雲洞流泉出戶庭前山看不極招手接瞿硎

鑿鐵菴

鐵壁看無路雙岩又石扉屋多憑地少棧轉觸雲飛暗
裏深聞磬空中翠滿衣客遊情賞劇不擬住僧稀

懷梅季升用阮懷韻

梅尉風期遠，孤蘆有此人。驅愁甘就老，力疾恥言貧。
舊釀牀頭盡，殘書枕畔親。扁舟通硤石，誰復往來頻。

汪舟次雨集汎舟紅橋

同劉公融唐耕塢孫豹人程穆倩孫無言

出城通野艇，鼓枻過名園。只為論文友，重開對雨尊。
亭臺緣浦溆，雲樹接江村。悵望平山路，風流二老存。

二

幾歲法曹去，橋邊彥會稀。

王阮亭司理揚州有紅橋唱和集

湖山留畫

舫者舊老漁，磯烟際水初。合雨中鶯不飛，繁華烽火後。

楊柳又成圍

喜張鞠存吏部至

淮口何時到邗江
慰索居不嫌音問少
各訝鬢毛疎生事
餘叢桂青山滿
舊廬老來矜歲月
別後著何書

寄張雲子

才健素縐日詩傳
入洛年飛揚看少壯
棲託肯林泉臨浦
山樓潤藏書石屋
偏聽歌重授簡回
首憶離筵

送張九宣還秣陵兼憶陳少參

時九宣以陳書至

漫為宛水客不共敬亭遊夾岸看楓落孤帆帶雨秋交
情存簡畧詩思合窮愁歎息元龍老秦淮尚滯留

濮朗元過訪有贈

屏跡成疎懶荒園付草萊霜留殘菊在月照故人來共
學看垂老論文敢負才鄰家有斗酒判取盡深杯

同里諸公集澄江亭

地有張
尚書祠

素侶論交地寒潭百尺澄江山憐故舊雲樹得憑陵風
起帆爭郭漁歸浦挂罾尚書遺跡近步屨肯相仍

二

謝李風流在吾儕復此邦清尊臨極浦皎月滿寒江葉落雁無數沙明鷗自雙宵分歌未歇何處曉鐘撞

送巴江李朗仙暫歸鍾離

歲晚歸人急天寒別恨賒留淮渾忘客憶蜀尚浮家野戍風中角江梅雪後花相如會乘傳萬里向三巴

元旦後二日雪晴

北樓山郭裏積雪晚晴時川白沅澌水風迴凍雀枝獨

吟開慢數飢爨覺烟遲父老爭占歲聲喧土穀祠

贈楊仲建

白首仍強飯清溪繞竹門花前來燕子雨後長龍孫
勸客一樽滿藏書幾卷存過從為耆舊搖落不須論

偶至溪園看花

造次風花暖春光太遽歸繞看滿眼放誰促片紅飛身
病閒難遂家園到亦稀行當就幽興散髮掩荆扉

為馬雲人題澄江草堂

敬亭真在眼，小築復臨流。
木榻攤書卷，風簾進野鷗。
醉吟從獨往，生事笑人愁。
隨興閒相就，門前有釣舟。

舟中見新燕

時張菊水李朗仙
梅耦長同賦屬和

汝到知時節，殷勤傍客槎。
銜泥衝雨急，逐伴掠谿斜。
烟寺初低柳，江城半落花。
那堪正寒食，遊子又離家。

二

春去關情甚，重禁燕子催。
舊巢何處在，滄海隔年來。
節序看蓬鬢，乾坤剩釣臺。
江皋憑悵望，橫笛為誰哀。

江關值顏修來儀部權滿將還

旅泊成良會相看又隔年獨吟牧野老高興話林泉把
酒江平檻還家書滿船經過洙泗在努力問前賢

過徐青溪寓園

幽棲就南園郭外自山村舊業烏衣散殘書草閣存倦
遊成出處小摘稱饕飮留客偏泥飲還歸月在門

酬劉蔡先

金陵讀書客江郭草堂人樓小烟波見庭閒花藥春論

文先習靜取友故耽貧多恐秦淮別相思有夢頻

梅八丈子翔臥病書來送別

力疾頻書札開緘淚滿襟憑詩扶老在恨別與愁深山
雨落花夜江關孤客心相期各無恙藏酒待同斟

將入都酬何省齋

倦遊思遁跡垂老薄論詩惜別又千里開懷共幾時浮
沈金馬地浩蕩海鷗期不是虞翻傲平生誰見知

徐州來宅同商賢

緩酌論文字江城此會稀
避人安獨嘯依水得清暉
春樹漁舟過晴江客座飛
廿年小阮貴不改舊荆扉

胡國堂邀集畫舫即事

乘漲青溪曲回舟赤石磯
葵榴明野岸楊柳動江扉
目換名園接尊移莫鳥歸
平生為朋好力疾興難違

答商賢送別用韻

江水去不歇野雲諧我心
自慚成小草未許共長林
老覺名交累閒看歸計深
朱絃君自愛倘復有知音

酬郭汾又送別

郭蜀人流
寓吳興

長干重會面雨坐寸心深好占花谿住徒傷越客吟岳
遊雙屐在家遠二毛侵聖代詞臣貴應無歎陸沈

半峰菴訪葉林屋

尋君出南郭古樹寒春山高館就僧僻片雲留客閒詩
篇連几榻旅食老江關不共長干住何由數往還

黃俞邵書齋

耆舊白門少藏書黃氏多客應來李郭句好似陰何高

坐向修竹古牆橫
薜蘿奇編思借讀
袞袞又虛過

貞壽詩介高母郭氏六十

郭江寧人十六歸處士高前基一夕而疾作遂異寢
十日卒郭夫節奉姑以孝聞

苦節尋常事新婚恨獨深
合歡雙淚眼一夕百年心
桃李當春落松筠耐雪侵
重聞貞孝備感歎共沾襟

磨盤山

踏山作平地巍坂尚千盤
疲馬踟躕過層峰出沒看風

塵偏病眼驅迫豈微官自古長征客誰知行路難

徐州五日

河上天中節秦淮簫鼓時道途過歲序風土薄蒲葵遇
舊沽吳酒招魂倦楚辭轉憐無競渡不起故園思

追和北瞻廣州見懷之作

時同被裁

同是還家客憐君滯粵城客塗五嶺盡瘴雨幾朝晴跡
合行藏日才兼吏隱名得閒良不易各自愛平生

懷歙州王莪懷進士

時郡使君曹公相善

南宮通籍久林壑故淹留時遇宛陵使招余黃嶽遊藏
書橫石榻種竹遶山樓送酒江州在杯乾倘不愁

贈胥任安麓菴

賦減官仍劇年荒驛更難不辭塵甑苦猶授故人餐京
縣徵書早琴堂海氣寒憐君文字癖肯索近詩看

王考功西樵戶部阮亭先枉寓舍

倦客荆扉掩同心二妙來論文堪日落執手各顏開歲
月東方米風沙郭隗臺誰知郎署地今有絕羣才

和沈康臣舍人歲暮喜得余書之作

舊好頻年隔相思伏枕餘寧知青瑣客苦憶素交書松
火圍寒坐溪窻聞夜漁燕吳各天末搔首一愁予

金長真汝寧書至兼寄所選何大復集

闕下羈棲日天中尺素來同曹成契濶病馬舊追陪薄
宦浮雲遠窮交暮景催品詩推記室嗟爾善論才

得毛大可書

尚作梁園客生涯老奈何行吟徧嵩嶽歸夢遶黃河羈

旅文章賤愁人道路多倦遊應息駕吾亦返巖阿

與田子綸舍人

舍人詩思劇窮巷肯相過官冷金門貴心閒滄海多暗
蟲催久杵涼雨濯秋荷莫厭飢方朔狂來據地歌

王阮亭雨中見過

世路塵中過交期物外親濕雲迴入幔連雨故留人篇
翰供閒事關山驅客身知音相藉在還往敢辭頻

次韻汪蛟門舍人見贈

急雨涼秋入孤雲向夕還
羈棲得枚馬詞賦共追攀
索筆時趨陞耽書日掩關
猶煩解玉珮款曲醉衰顏

二

論交真造次何處更相期
每踏昭亭路思君杖策時
病身從把釣野性愛烹葵
京洛千秋事憑詩記別離

雨宿壇院

杖藜成薄暮亭館坐忘歸
微雨洗山月白雲生客衣
松槐千樹合笙鶴九霄飛
自笑塵中老來遊此地稀

京邸夏杪宋荔裳宴王氏園林限韻四首

同曹顧菴陳說

巖王西樵阮亭程周量許青嶼沈繹堂

客許南皮會園疑歷下亭雨聲煩暑散樹影數家青
坐從疎密雲烟屬杳冥解衣成永日城闕已郊坰

二

北窓高枕得野興復招尋白首萍蓬客清樽湖海心
迷蘿徑曲人語石堂深莫計升沈事涼風正滿林

三

漫言誰主客隨處即林塘
杯試仙槎古花連烏几香
艱虞才不盡飛動意難忘
明日攜春卷還來臥石牀

有銀槎杯

元朱碧山所製

四

過雨疎簾捲輕雲入檻流
乾坤憐此夜河漢近新秋
旅病疲征馬歸心逐釣舟
祇應戀朋舊京雒暫淹留

遙和沈康臣曹頌嘉汪蛟門喬石林四舍人遲予

未赴之作

在坐者青嶼荔裳顧菴繹堂西樵周量阮亭陶李

殘暑槐陰靜夕陽秋氣佳故人兼上客曲宴復高齋今
古悲歌地風塵丘壑懷如何良會隔獨夜坐空堦

二

露坐從清夜長吟送濁醪風騷成底用天地笑吾曹倚
檻星河出過橋山月高招尋憐袞袞別路首重搔

過冒穀梁寓舍地近御河

離索情何劇羈棲興不孤臨高望城闕依水當江湖名
姓君王識篇章故舊俱最憐清絕地蚤晚一攜壺

雨後東子顧

歸魂驚夜半一雨覺秋多巖谷老叢桂江湖添白波隨
人傷汗漫得句失蹉跎客舍還離隔衝泥誰數過

次韻龔宗伯見送遊嵩山即歸宛陵四首

阜帽多幽興青山許獨遊暑殘燕市雨楓報洛城秋河
嶽隨征騎行藏問白鷗尚餘知己戀臨發為君留

二

別恨憑詩遣趨陪感帝鄉交遊寬李郭篇翰走齊梁秋

識歸人興寒愁野客裝嵩門望京闕回首意茫茫

三

鴻雁中塗到青霜短髻生仙壇晴倚杖嶽寺醉題名擇
友知貧好著書安晚成秋蟬飽風露敢說有餘清

四

自是無心者浮雲任往還官從長抱膝天許徧看山舊
業昭亭在新營釣艇閒潛夫行著論安穩臥松關

清風店

店北故石將軍戰場
李空同有歌紀其事

野店迎寒早秋原樹色分林端飛片月塞北起黃雲
舊井村墟共荒臺鼓角聞戰場今不辨猶說石將軍

淇水

何年殘綠竹滿眼自清波地接蘓門水園荒瓠子歌
秋聲沙草動寒影雁鴻過歎惜殷都古風流衛武多

宿百泉

有孫登
嘯臺

殘照下溪灣孤僧度嶺還泉開深樹裏山響亂流間
客夜月相待仙臺雲自閒何人憑寄嘯枕石漱潺湲

洛陽拜兩程夫子祠

每抱遺書讀如從杖屨遊兩賢墟里在百戰廟碑留高
視無曾閔微言竟魯鄒君看伊洛水千載竝東流

緱山廟

不知黃屋貴揮手出塵氛野蔓沒丹竈天風來嶽雲荒
祠環嶂入仙藥幾人聞倘值浮丘子吾將鸞鶴羣

二
時偃師張松臺明
府送別置酒于此

葉縣神仙宰緱山帝子臺尋幽歡竝馬惜別重銜杯鶴

馭層霄遠秋聲萬壑來不勝懷古意捫碣徧荒苔

面壁洞

在少林寺後

一峰分五乳絕壁迴千尋路折羊腸險山穿虎穴深
幾人堪共語片石尚知心不用詢陳蹟茫茫自古今

贈登封葉明府井叔

吏隱名山窟高齋雲氣重翠屏橫少室明月正中峰
苔綠前朝碣秋清遠寺鐘興來飛鳥得何處有仙蹤

贈耿逸菴大叅

解官仍壯歲高臥向嵩陽城邑自花逕琴樽深草堂客
來林鳥散簾捲岫雲長家食閒應得相看髮亦蒼

白松

密縣南五里一本三枝若鼎足膚幹全白惟向東一
枝微帶青葉相傳黃帝三女葬處靈異所生

仙宮傳古木拔地幹還分不受春風力常棲海鶴羣四
時渾帶雪千尺自孤雲遙問嵩陽柏同心應許君

朱仙鎮岳祠

痛哭班師處秋陰慘廟門餘忠回草木一死變乾坤白
日霓旌動空階石馬喧請君看此地萬古是中原

喜錦帆至自武陽

匹馬衝霜露衰顏會汴城浪傳空盡淚乍見擬更生老
健狂歌得官閒晚計成信陵餘朽骨誰肯問侯嬴

吹臺

上有禹
王廟

李杜高歌後何人此共遊白雲嵩嶂遠疎柳汴城秋人
代歸洪水宮園識故丘荒祠銘禹德鼓吹未全休

別錦帆

時中州故人張譙明許菊溪彭禹峰皆下世

信宿同羈旅招尋底未閒
故人多地下吾黨各田間
白雁橫秋遠孤雲急暮還
吹臺萬古地遺恨不同攀

鐵塢

在大梁上方寺河患後城中惟此塢存其色黑故名鐵

大梁無舊物積鐵爾孤標
浩劫經滄海寒光暗絳霄
燈明諸界徹鈴語百神朝
莫上層欄望人間久寂寥

寄劉仲淑

君以廢剌郿州時居司空公憂

弱歲知名久司空繼武才
腸摧烏鳥痛客喜素交來
得

句廊州月傷離梁苑杯弟兄皆早達努力莫深哀

過汴不及拜張譙明墓追哭以詩

公疾篤江寧余及見于臥內舉

手微語曰願結
來生未了緣

地下知音隔斯人在眼前最傷垂訣語何處再生緣大
藥金錢盡荒墳孤兔眠負君應腹痛不得祭橋玄

歸次秣陵遇親舊

近鄉家信急翻怯遇鄉人衰白驚猶在田園喜舊貧歸
帆風趁客浴浦月隨身自笑緣何出徒沾京洛塵

悼徐仲光

公隱于盱江之荷山撰著極富巳酉春同遊麻源三谷

死生君不昧神理定何存良會同三谷鴻文竟九原名
高中壽少身隱寸心煩秋草荷山路憑誰弔墓門

聞徐州來多失意事

揮手冬春換閒居亦可憐稱心惟綠水無恙是東田夜
月蘿軒映秋燈竹屋懸多憂逢儉歲遮莫減詩篇

江月

十月晴江月微風夜未寒依人光不定照影思無端少

壯隨波去關河行路難平生素心友莫共此時看

與傅守備

從容裘帶客風義洽江湖轉餉飛千艇留賓倒百壺
野田秋獵罷鈴閣夜吟孤不厭迂疎態時時問老夫

塗雪

一冬晴始雪殘歲却孤征亂失雲山影寒衝磴瀑聲
喚船遲野渡立馬望荒城漫說剡溪興驅馳過此生

懷溪園梅花

別業雙溪曲春風著處幽遙知紅蕊放定笑白頭愁影
亂樽中醪香寒竹外樓故人誰興劇相趣出郊遊

敬亭采茶

一踏松陰路因貪茶候閒呼朋爭手摘選葉入雲還竹
色翠連屋林香清滿山坐看歸鳥靜月出半峰間

自敬亭翠雲寺步至一峰菴

地近獨松樹下有
郡守羅公題額

山徑紆千折茅堂名一峰門留謝守碣樹比大夫松草
閣滿巖翠香廚臨石淙詞人支許輩若個來幽蹤

饒蔚宗江西書至言被放遊江淮

無限離居意憑書次第傳
濠梁秋倚棹廬嶽夜聽泉
被放豈文字薄遊淹歲年
濟時還汝輩吾已賦歸田

與涇川左稚姜書便面

羈棲老友在良會敢辭頻
生計看書帙衰顏傍路人
江城連雨夜山館獨吟身
茅屋堪歸隱桃花潭上春

園居校詩酬耦長數過有贈兼憶阮懷

比鄰餘汝在把卷數相尋
不是窮愁客誰憐山水音
竹

樽溪上綠草閣雨中深共憶尚書記燕臺正獨吟

懷半公化城寺

先是僧雪峰創此寺

飛錫隨幽興扁舟就化城寒江牛渚見古寺雪峰名齋
罷夜燈靜人閒秋樹清莫將詩與畫垂老因逢迎

聞沈徵君先生屏跡湖北

草閣移何處畸湖自一山孤村流水在盡日白雲閒
借榻偶留客著書常閉關巖棲成晚計高臥幾時還

贈吳繁昌巢薇

吏隱獨風流山城擁上游心閒官牘少詩為客僧留明月來天柱長江入縣樓行車仙嶂接望裏是浮丘

學餘堂詩集卷二十九

欽定四庫全書

學餘堂詩集卷三十

翰林院侍讀施閏章撰

五言律

疊嶂山房

余別館背枕北樓是
徐咸若刺史舊業

江城草閣偏山色捲簾前
高館明初日空亭生綠烟
逕回陶柳外人在謝樓邊
今古相看意狂歌一醉眠
雨過烏溪葉漢章珩度兄弟止宿

金八八八
卷三十
地近桓公嶺人傳柱史村撥雲通客徑聽雨勸山罇四
坐書為屋高齋水到門惠連兄弟好吟和幾篇存

重至隱龍坐方位三水閣

幽棲諳嶺外小閣復溪邊窻竹覆斜日檻花紅暗泉烹
葵留客醉膾鯉出池鮮舊館題詩處含情十載前

飲江懋昭尚一兄弟斗山別館

樓臺憑絕壁木石舊嶙峋六水含朝霧繁花競暮春藥
欄深洞壑尊酒傍星辰莫訝思歸客黃鸝喚旅人

祥符僧院逢朱石公

多才能習靜別館借僧居
花徑時通客松壇夜讀書
嶽雲來戶牖谿鳥下堦除
莫忘行遊處平生握手初

歙城西太平十寺

李太白經此留詩有雪竇泉

數峰存十寺紺宇入蒼烟
得徑穿雲窟從僧問雪泉
江橋秋樹外山郭夕嵐邊
大好留詩處何人繼謫仙

晚集程山尊穎園

同非二美周雪懷

不意春帆客深秋適到家
心期歸海嶽野館屬雲霞
新

月一尊酒喬柯何代花夜闌重欸人語散棲鴉

黃山連雨信宿桃花源懷吳燦如昭素

地為吳別業

天留看瀑布客喜住仙源雲片一樓白泉聲萬嶺喧檢
薪吹礪石尋果倩山猿李仲多年別含情不共言

暮登文殊院是黃山中峰勝處

左右天都蓮花二峰

削壁無門入盤空有棧懸飛來一片月照我萬峰巔松
葉出寒磬蓮花明暮烟此身仙骨未仰首問青天

登蓮華峰頂

絕頂看誰到憑陵一老夫路皆穿石腹人已坐花拊片
日斜飛動羣峰半有無稱心風細細垂手接天都

書煉丹臺側指月菴

天海浩無涯孤僧寄一家泉吞丹井月坐對青蓮花小
屋嵐烟重高臺石路斜雪中人跡斷燒葉自煎茶

重過問政山寺和程山尊

百折巖阿好叢篁舊繞林秋晴新筍得日午碧烟深問
政何人事棲山倦客心小樓看不厭向夕重登臨

季秋晦日岑山寺同山尊拈得歸字

清谿孤嶼出倚檻亂帆飛僧舍成浮舫人家繞釣磯寒
雲終日住秋色一山歸共是忘機客行吟到落暉

遙聞新安曹使君偕賓僚野飲梅花下

山郡風流客金門侍從臣把杯黃海月露冕練江春柳
葉藏洲寺梅花雜吏人舊遊攜手處惆悵各芳辰

春寒

急雨過山城春流一夜生岸花風故急江樹霧難明好

景頻虛過深杯祇獨傾黃鸝何處覓試弄兩三聲

諸公過集牡丹花下有懷唐輔宸秦中

同表中
徐兩蒼蔡

滄洲劉嵒
梅瞿山桐巖

野館平臨水芳叢近倚人追歡連上巳歇雨當晴春老
惜看花眼閒容對酒身因懷行路子迢遞隔西秦

張菊水解官僦舍陽坡

傲吏滄洲興浮家積靄間長貧留客滿把卷趁身閒雨
洗堦前樹檐青城外山敬亭看不厭時見白雲還

署樓對月次韻

時同姑瞻楚白景威緝生子尉升公瞿山程叔分修郡來

新綠坐侵衣片雲天際稀
夜闌禁月冷客久看春歸
時論從高下前賢重是非
辛勤披往牒忍使寸心違

宿敬亭巢雲閣

采茶新雨後隨興宿巖阿
夕照下檐樹春星橫石蘿
竹樓重影靜山磬一聲多
夢與玄暉接宵分獨寤歌

送梅定九重赴皖口

梅諱象緯之學故有末句

又挂孤帆去春城暮雨疎
江行過雷澤旅食飽鯉魚
水

驛重題壁蓬窓小讀書夜闌看象緯兵氣近何如

遊響山潭得斜字

梅瞿山桐巖指同王
我懷沈方郭梅耦長

江山邀好客絲管醉浮槎紺壁崩雲斷風潭老樹斜天
清谿見石夏淺寺餘花回眺高齋近重懷小謝家

聞唐畊隍舍人病起

久臥驚還在歡情劇友生可能杯酒進喜復杖藜行耆
舊今看少文辭老最名扶衰應好健歌嘯共江城

送蕭鶴聞孝廉歸天中

蕭高郵人
占籍商城

歸計成秋暮，羈棲舊掩關。
人來白雁留，客仗青山落。
下移家遠，天中采藥閒。
敬亭雲欲散，多為送君還。

送張南村遊黃山次韻

山程落葉裏，僧寺斷崖邊。
洞險穿青壁，峰多破碧天。
仙壇松作蓋，雲海石為船。
舊記都難盡，看君刻畫傳。

內弟梅幼與草閣

朝看野鳥飛，暮見山雲歸。
小閣臨秋水，清光來翠微。
酒尊當月滿，林果受霜肥。
情話歡朋舊，時時開竹扉。

次韻胡智果秣陵見寄

音書違幾歲落葉復江波皎月故人遠離情秋水多詞
場從堦堞世路合巖阿戶外鍾山近孤吟興若何

聞王阮亭使蜀以家艱歸其兄西樵又卒

萬事一搖落瑯琊秋正悲還家三徑菊出峽幾篇詩風
木吞聲日人琴迸淚時空摧數莖髮無路寄相思

于慧男明府自廬陵遷貳淮郡

地轄
廟灣

官佐淮揚郡司分滄海灣舊嗟筋力盡稍喜簿書閒鮫

室城根地蓬壺雲外山相思差恨遠歲晚一摧顏

東梁爾礪

是顧與治甥輯
顧遺詩數百首

昔收亡友集賴汝輯詩篇宅相歎家重書名褚氏傳長
貧歡色養小隱臥江烟百遍相過好秦淮夜月邊

雨坐秦淮

時移軍括
船殆盡

滿目繁華歇天寒水鳥吟江門歸棹少河館濕雲深旅
食看人面家書攪客心乍閒翻賴雨把卷一開襟

木末亭舊址

是月鍾山
夜燒連天

得剩荒臺在遊人還杖藜鍾山殘燒裏江郭夕陽西古
木何年盡幽禽向客啼廢興嗟萬事看取舊招提

春雪得看字

暗覺陽和改晨冰凍井榦林收百鳥靜花滿萬家寒綠
酒親人易青山辨影難東風休造次積素好留看

連雪不已

連雪忽逾尺倚樓頻獨看直憂乖歲序寧敢怨春寒好
客過尋少疎梅滿放難干戈聞海嶠愁緒正漫漫

方鄴移樽致爽軒同限軒字

好客仍幽興移尊就水軒
春陰逢霽日山郭有閒園
柳色河橋綠江聲草閣翻
夕陽重促坐不盡故人言

高使君蒼巖晚過寄雲樓限賦

同瞿使谷汪
扶晨梅耦長

草閣初過雨江潮半入城
薄寒春酒進小立暮雲生
客竝山公興詩爭謝守名
敬亭遊不遂倚檻重含情

先是
期遊

敬亭
不果

再酬汪扶晨兼送別

好友來仙嶠新詩滿客居
肯過花下飲長愛枕中書
任俠從垂橐懷歸念倚閭
別筵容簡略重為煮江魚

又

論交吾老嬾相接各難忘
問訊勤書札歌呼劇草堂
渴賢心苦盡感逝義何長

君好推才士刻
孫它山遺集

又入黃山去看

雲舊竹房

再過岑山寺憶程山尊舊同此遊

重來新漲急小艇亂中流
樹葉春藏寺谿聲夜滿樓
哺

兒喧渚鷺報雨聽林鳩不共狂歌客登臨起暮愁

唐子菴同江允凝

勝地從山僻良遊冒雨成松雲重隴白池水半巖明燒
笋谷中飯觀魚濠上情祇應真靜者機息見無生

汪扶晨集飲青來亭從屋中拾級得烏聊山最高

處同非二
山尊

曲徑高齋裏層巒萬疊生憑闌窮耳目歷磴變陰晴歲
月蒼松古江城積霑平同心遂披豁酒罷有餘情

聞亂懷徐程叔久客蕪江

世難重離索，羈棲各苦吟。
滄江孤館淚，白髮倚闌心。
雨漲山城動，峰連楚粵深。
文章今可見，誰賞伯牙琴。

連雨江漲簡張若思客舍

旅吟棲水閣，問訊切比鄰。
雷雨偏羈客，蛟龍直就人。
羽書關百慮，山郭暗三春。
何處江湖好，還容把釣緡。

王若士赴建昌郡幕

王若士字伯敬，江陰人。羅近溪先生舊有講堂。

薄遊隨雀舫，去住總江鄉。
書借官齋讀，貧從客路長。
五

峰秋正好三谷雨新涼肯問盱江學還餘舊講堂

谿村書事十首

舊業仍荒徑歸來幸此身官閒差減病客到始知貧菊
枕支清夜梅花釀老春

聖朝容散髮敢說獨醒人

二

荆扉開綠野石壁上蒼藤補學青春去尋歡白髻增花
畦防菊虎水檻護魚鷹夜雨多閒思清吟傍竹燈

三

清谿通草閣
恰灌邵平園
樹隱潭邊石
花明竹外軒
村翁爭社酒
里嫗信巫言
溷俗安垂老
從人學釣緡

四

野岸沈江雨
生涯送渚田
偶緣沽酒計
忝受作碑錢
汎覽頻更帙
多吟屢失編
籬邊聞剝啄
時繫客來船

五

百慮一長嘆
半生餘獨歌
羸吟成子易
鳩拙占巢多
稗

每先嘉穀藤翻壓舊柯物情差可見不醉欲如何

六

不是違時客時人自覺疎抱琴操古調洗洞辨仙書鏡
采雲中朮園留雪後疏漫誇簪紱事鐘鼓饗爰居

七

背市成田舍傍村多酒家貧先輸畝稅儉許饌溪鰕疎
雨響椶葉微風吹豆花翻嫌仲長統樂志太無涯

八

種花愁少地接樹又傳方秋野稻孫秀池亭蓮子香放
生增嗜蟹營道若忘羊近覺詩書累殘編任滿牀

九

興來隨步屨村遠接人烟水陰青楓樹魚跳白板船剝
麻乘曉月試茗就寒泉辛苦相怡悅田家長晏眠

十

晚計合幽棲茅齋壓水隄夜涼聞石鴨秋霽鬪杉難征
斂愁箕斗江關習鼓輦鹿門行采藥斟酌問山妻

送蔡玉及遊灣汜

辭囂出城郭倚棹復谿灣風笛荷花外漁燈葦葉間鄉
關行不遠書畫老難閒計日清秋好重登何處山

哭侯叔靖先生

同年侯韓振之父有田百餘畝以韓振登第卒官遂破家

先生真長者因壽轉蹉跎身與殘書盡兒憎一第多良
田拋負郭老淚竭西河不怨歸泉路頻年總臥疴

二

貧死人情見素車誰到門祭時空酒脯在日少饕餮為

善生涯拙傳經舊恨存九原魂不斷淚眼望諸孫

過計家橋問陳尚書迪墓不得

公抗節建文之難侯來保拾遺骨歸葬計家橋事覺
被掘冢旁里民盡誅

尚書餘白骨聞葬計家橋抔土無人識忠魂何處招村
墟存野店陵寢改前朝嗚咽寒谿水千年恨不消

老至

老自何年至追惟萬事殘登山多倚杖罷酒數憑欄書

喜短篇讀眠憎秋夜寒舊遊疎記憶翻賴檢詩看

新安一路見攜家入山者接跡

安穩知何地流離已載塗軍麾連海甸殺氣上天都磴
滑春蕪雨巖深日易晡時艱應有定未敢賦瞻烏

經高谿東路即目

傍谿亭盡徒覓路馬徐行顏岸春潮齧荒原雨蔓生人
家多鳥散水市與蛟爭陵谷頻看變徒增遲暮情

水東野望

十月葉初黃冬晴暖未霜白雲橫道路垂果觸衣裳藥
圃朝收菊茅棚夜守薑寓樓谿色裏倘似瀼西莊

石龍省家叔父

家在成離散何堪白髮翁亂山層阪入苦語一宵同去
住驚魂內親朋淚眼中凭高望峰火長恐隔西東

深溝道中和耦長

策騎晨光裏霜林散鳥喧野橋成小市樵爨認前村照
水青紅樹隨山上下園遙峰似仙掌直向日邊捫

遊勞山

同雨若方郭
玉及耦長

十里見嶙嶒蛟宮寄一僧飛樓安石罅懸壁攬雲層越
險蒼藤接盤空細路登棹回杯重挹鱸膾出魚罾

水東梅子翔宅喜諸子來共汎飲

主人爭客到深入白雲間復此干戈際能容樽酒閒寒
花傍絃管險句割谿山飛動妨吾嬾追惟破老顏

雨宿陶莊懷舍弟阮移寓九里

傾崖動板橋暮雨暗山椒問路歸人盡燎衣聚葉燒谷

雲團小閣松露響寒宵季弟招尋得西村萬嶺遙

甲寅歲立冬小雪皆雷

節序義和錯頻驚十月雷蛟龍不肯蟄花樹亂催開天
意寒暄換人間鉦鼓哀橫流看滿眼溪漲過山來

黃渡山莊尋郭陳兩者舊不遇

郭康侯
陳大介

田舍直相望前村問草堂板橋三渡水楓栢一林霜山
向郊扉豁書聞石屋藏杖藜何處所歸鳥赴斜陽

蔡后山洞題潘道士壁

道士不耕不募惟
種樹養蜂自給

峰頭雙石窟天作羽人家
雲接懸巖乳門收滿樹花
幽棲連虎穴生計仗蜂衙
會得長年訣休尋勾漏砂

紅葉

素秋搖落候辛苦若為容
深淺谷中寺丹黃江上峰
征人勤悵望思嬾裁縫轉
作三春賞含情獨倚筇

陪高使君遊響山高將之官蘓州

同趙考叔梅
淵公爾止

供奉題詩後重尋百尺臺
舟移黃鳥過潭響白龍來
雨幔寬留客風花數落梅
行當臨虎阜倘憶此銜杯

送萊陽姜公子學在還吳門

時為尊公貞毅先生卜葬敬亭

淚盡陵陽路魂驚吳會行
乍歸仍是客獨去轉隨兵
暑雨浦雲暗夜潮江月生
扁舟數漂泊誰念旅人情

久不見唐七朕虞

野梅開欲罷江柳雨初低
好向敬亭坐詩追謝守題
戰場紛滿眼斗酒共誰攜
解惜春光去林鶯時一啼

逢人歸姑山寄沈公湛

一年疎見面客館舊比鄰
借問愁中髮還悲亂後人
路

難妻子累身隱稻梁貧何處漁樵得南湖秋水濱

寒夜草閣有懷劉緝生

閣外憑欄客谿聲獨夜聽泠然片月出坐見羣峰青
世事惟中酒幽人閒授經遙知孤館夢時被竹風醒

答婁東陳子謙雨中見過

有黃山紀遊集

亂後仍為客春深過北樓詩多成岳寺書載滿仙舟
草閣看雲入江潮捲樹流相逢太款款未覺雨聲秋

寄余澹心吳門

數枉客中詩春風總別離即要相見日寧似舊游時夜
雨專諸巷寒雲秦伯祠羈棲愁欲絕莫遣髻成絲

二

世難看如此心閒亦淚流半生餘阜帽白首向滄洲有
作皆孤憤何人最狎游含情問耆舊早晚覓扁舟

寄贈錢梅仙

吳會知名士蔚村長揜關扁舟自婁水高枕已箕山講
席寒雲外書聲夜竹間行藏從老去誰共此中間

題故給諫姜如農先生吳門寓園

文文肅公舊業
姜署曰敬亭山

房以前朝謫
戍宣州故

故老棲吳市山房署敬亭不忘遷謫地
舊隱少微星小苑叢花發前朝古樹青
漫須追往事痛飲恐成醒

天如菴

樵徑落松子林疎八月天到門聞午磬
繞屋過寒泉馴虎不驚客棲禽亦解禪
舊時都講在曾話竹籬邊

吳駢公孝廉過訪即取道吳門北上

葉落北樓出能詩上客來還看吳苑月遠踏昭王臺旅
酒雪中盡梅花馬首開時危重獻賦應見長卿才

學餘堂詩集卷三十